

Sol / das Silber / **M**on / lateinisch Luna /
genent wirt / als klärlich inn den gesünder
ten Capiteln eines yeglichen Metalls ge
sagt wirt. Also vil sey kurzlich gesagt von
dem gemaynen wyrcker der Metall vnn
d' ärg. Aber dz vnderworffen ding / oder dye
gemayne materi aller metall / ist nach der
maynung der weysenn / Schwefel vnn
Quecksilber / die durch den lauff vnd ein
fluß des hymels müssen veraynigt vnn
verherttet werden / zū einem metallischen
cörper / oder zū einem ärg. Nun halten et
lich das durch den lauff vnn einfluß des
hymels / werden auß der tieffe der erden
von Schwefel vnn Quecksilber auffgezogen
dünst oder bradem (exhalationes mi
nerales genant) vnn im auffrauchen / im
gengen vnn klüften / durch wyrckung der
Planeten verayniget / vnn zū einem ärg
gemacht. Noch sind etlich / die halten nit
das die metall von dem quecksilber gwyr
cket werden / dieweyl man an vil örteren
metallisch ärg hat / vnn doch kayn queck
silber daselbs findet / sonder für das queck
silber setzen sie inn materi feuchte vnn kalt
schlemig on allen schwefel / die gezogen ist
auß d' erden / als ire schweiß / darauß mit
vermischung des schwefels / alle metall ge
wyrcket werden. **N** iij **N**un